

加被已又復告言佛子汝今此身即爲金剛三昧所持若有違犯不依從者以我金剛三昧印及忿怒印令彼破壞又復菩薩即如先佛法式爲諸學衆授於灌頂復誦警覺真言令其覺悟又復示與金剛杵自稱已名與諸弟子身分八處而作加被時金剛大乘學衆

高四

八

於菩薩所受學一切法式畢已即向菩薩種

種稱讚恭敬供養謝彼菩薩又復白言我等各各如菩薩教於金剛阿闍梨所承事供養恭敬讚歎一如聖旨

余時金剛手菩薩摩訶薩化事畢已即於彼處應沒不現

最上大乘金剛大教寶王經卷上

最上大乘金剛大教寶王經卷下

三藏 法師 法天奉 詔譯

余時世尊復告印捺羅部帝大王言大王汝於往昔過去無量阿僧祇大劫之前日清淨

光明如來法中已曾爲王號精進授汝於是時與諸學衆於彼佛處已曾求學金剛大乘及諸法要汝今於此娑訶世界我釋迦牟尼佛所又復求學如是金剛大乘時印捺羅部帝聞此語已即復合掌白世尊言云何名爲菩薩摩訶薩佛言若有樂行大慈大悲大喜大捨是即名爲菩薩摩訶薩

高四

九

余時世尊說是語已顧視左邊告金剛手菩薩言汝可同彼過去劫前日清淨光明如來之時爲印捺羅部帝大王說金剛大乘及說菩薩摩訶薩行諸根境界等種種之法方便令解使獲無生法忍時金剛手菩薩摩訶薩

即從座起偏袒右肩頭面著地禮世尊足已合掌當心而白佛言我今當承如來教勑而爲演說印捺羅部帝聞是語已身毛喜豎心大忻踊即從座起禮世尊足已復禮金剛手菩薩足禮已白言唯願菩薩遵奉佛勑往詣我宮爲我演說

尔時金剛手菩薩承佛教勑又復觀彼印捺羅部帝身心虔切默然許之印捺羅部帝知默許已即禮金剛手菩薩足歡喜踊躍禮佛而退即整四兵前後導從乃與菩薩同乘寶車及張傘蓋動種種樂尊敬供養還歸曼誡羅補覽大城於其城中菩薩所經之路一切

人民各以香花奉獻供養既至宮已時印捺羅部帝預嚴七寶大師子座菩薩下車即昇彼座王及中宮后妃眷屬復設種種香花珍寶及殊妙衣作大供養復以寶瓶盛滿闍耶香水奉上菩薩

尔時金剛手菩薩摩訶薩即如從佛所聞金

剛大乘秘密相應三摩地三摩鉢底種種諸法廣爲演說欲令王等證無生忍盡涅槃界是時復有衆多沙門婆羅門刹帝利毗舍首陀等亦來王宮爲欲聽聞金剛大乘及諸妙法又有東印度摩羅縛國法光大王北印度無能勝王西印度月光大王摩伽陀國頻婆

於是金剛手菩薩而於六年爲於諸王及諸人衆演說金剛大乘諸菩薩行及無數百千俱胝相應三摩地三摩鉢底乃至於諸境界所緣所作一切諸法廣爲演說

尔時印捺羅部帝得聞法故於一切如來相

應法中證三摩地三摩鉢底得無生忍盡涅槃界

高四
十

槃界及得隱沒自在乃至中宮后妃眷屬國內民庶得聞金剛大乘及諸法要皆悉證得無生法忍國中復有金剛阿闍梨所謂善龍義龍寶聲戒聲發光聲復有婆羅門所謂法龍力賢等得於金剛大乘法中證無生忍盡涅槃界彼東印度摩羅縛國發光大王於最

婆羅王舍衛國波斯匿王梨跋尾國梵授王等復有無數沙門婆羅門刹帝利毗舍首陀及無數發菩提心衆生欲聞法故亦來王宮如是人等各於菩薩信重歡喜來至王宮如是人等各各深信歡喜踊躍白金剛手菩薩言我等樂入金剛大乘及欲聽聞種種妙法

上金剛大乘法中悟得最上根本相應法得無生忍盡涅槃界及得隱身自在乃至中宮后妃眷屬國中仕庶得聞金剛大乘及諸妙法皆悉證得無生法忍盡涅槃界是印度中復有金剛阿闍梨名曰賢天如來天善天又有利帝利耶輸嚩哩摩彌嚩嚩哩摩等亦於

金剛大乘法中得聞法故悉皆證得無生法忍盡涅槃界

復有北印度無能勝王得聞金剛大乘及諸法要乃於真實攝教中證得相應三摩地得無生法忍盡涅槃界及得隱身自在亦有中宮眷屬后妃嬪嬌乃至仕庶得聞金剛大乘一切妙法皆悉證得無生法忍彼印度中亦有金剛阿闍梨名曰賢喜蓮喜又有利帝利名曰烏那野縛哩摩及有毗舍名曰法密如是等衆於金剛大乘得聞法故皆悉證得無生法忍盡涅槃界

復有西印度月光大王於金剛大乘聞諸法

故證得金剛口相應三摩地等得無生忍盡涅槃界及得隱身自在亦有中宮后妃嬪女乃至仕庶等又有金剛阿闍梨名曰不空成就普成就如來成就等又有利帝利名曰善密及蘇哩野縛哩摩如是衆等於金剛大乘聞妙法故皆悉證得無生法忍盡涅槃界

余時金剛手菩薩摩訶薩爲彼諸王及一切學衆演說金剛大乘一切諸法又復演說八種成就之法所謂聖藥眼藥革屣劍眉索金剛輪金剛杵及寶瓶等成就之法又復演說入地入脩羅窟成就之法又復演說菩薩摩訶薩依金剛大乘所行之行諸根境界所緣所作種種之法令彼學衆各各修習離於懈怠時金剛手菩薩於六年中爲諸王等及求學金剛大乘一切學衆以種種方便譬喻言辭演說諸法各各令證悟已即告衆曰汝等當知今彼處有大名山號乞乞那其山頂上平正廣闊亦有林樹池沼適悅之地我今先

往汝等入金剛大乘諸王沙門婆羅門毗舍
首陀一切學衆亦可於彼俱往集會是時學
衆於彼山頂皆集會已金剛手菩薩即復告
言今者世尊釋迦牟尼將入涅槃汝等今可
與我同至佛所求受灌頂尔時學衆即與金
剛手菩薩同離彼山是時諸王將理四兵前

後導從及備種種諸大供養往世尊所

尔時世尊釋迦牟尼已在拘尸那城金剛手
菩薩摩訶薩與諸學衆至佛所已設大供養
奉獻世尊右繞三匝禮拜讚歎於佛前坐時
金剛手菩薩即從座起偏袒右肩右膝著地
作金剛合掌白世尊言我奉佛勑以菩薩摩
訶薩行於金剛大乘法中爲學衆說於諸根
境界所緣所作及種種諸法各各證悟或得
三摩地三摩鉢底或得法忍盡涅槃界或得
隱身自在世尊我已如是說法利益今來佛
所欲爲彼衆於如來處求受灌頂

尔時世尊左右顧視已即於頂門放五色光

其光晃耀於一剎那間照如恒沙佛刹上至
梵世如是照已尋復旋還却從世尊頂門而
入

尔時十方光所照處一切如來異口讚言金
剛大乘即攝一切乘乃至過去未來及與現
在一切諸佛皆說如是金剛大乘攝一切乘

尔時世尊即以金剛水與一切金剛大乘學
衆灌頂諸學衆等得灌頂已皆用頭面著地
禮世尊足及禮金剛手菩薩足禮已讚歎踊
躍繞百千匝各還本處

尔時尊者阿難白佛言世尊如是正法當云
何名云何受持佛言阿難今此正法名爲最

上大乘寶王如是受持

尔時如來應正等覺釋迦牟尼說是經已即
於拘尸那城入般涅槃金剛手菩薩於後却
還乞乞那山亦有衆多菩薩聲聞同來山中
時金剛學衆互相謂言我等本師金剛手菩
薩摩訶薩却復乞乞那山我等宜應亦往彼

山親近供養是諸學衆各持種種香花寶玩同往彼山到彼山已各以香花奉上供養禮拜旋繞恭敬讚歎各一面坐

高四
余時菩薩觀視會衆沙門婆羅門刹帝利毗舍首陀等已即復告言汝等學衆諦聽汝已各各於此金剛大乘悉得證悟皆是得金剛

十三

大乘法者汝等當知佛涅槃後金剛阿闍梨

是汝等師亦如往昔無量劫前日清淨光明如來出世之時彼大妙香佛刹中有王名精進授彼時我亦如是說承事金剛阿闍梨軌則今亦復說弟子承事金剛阿闍梨軌則承事之則乃有八種時印捺嚩部帝白金剛手

菩薩言云何名爲八種承事之則金剛手言一者不得呼師名字二者常自稱師足三者與師執持鞋履四者掃灑房地五者爲師敷置牀座六者五體作禮七者不侵害師八者指授稟信是名弟子承事金剛阿闍梨八法彼阿闍梨以此八事觀察弟子以日累月積

月成歲若彼弟子於此八事無有違背專心不退阿闍梨然可攝受

余時金剛手菩薩又復告言譬如如世間虫蟻飛蛾之類皆從緣生墮斯惡趣何由出離亦如世間輪迴衆生云何轉業得無生滅若不因從金剛阿闍梨攝受爲說種種妙法何由

能除一切煩惱證於寂滅得不退轉大王彼金剛阿闍梨先當觀察所攝弟子行相貴賤等乃可付與二諦之法王言云何名爲二諦菩薩告言一者真諦二者俗諦王言何名真諦菩薩告言所謂內空外空内外空空空大空勝義空有爲空無爲空畢竟空無際空無變異空本性空一切法空無所有空無性空自性空自相空無性自性空大王是十八空者乃名真諦大王復言云何名諦菩薩告言若於此十八空知非常非無常是故名諦何以故謂不見內空不見外空不見內外空不見空空不見大空不見勝義空不見有爲空

不見無爲空不見畢竟空不見無際空不見無變異空不見本性空不見一切法空不見無性空不見自性空不見自相空不見無所有空亦不見無性自性空於如是空不見二相中亦不可得非生非滅非縛非脫非行非住非明非暗非實非虛非輪迴非涅槃亦不

高四

十四

增亦不減我說如是種種皆離身口意是則名爲真諦大王復言云何名爲俗諦謂以四無量心於威儀本相五蘊四界六入五境行往三界是即名爲俗諦王復問言更復何名真諦菩薩告言彼種種色相如幻化如陽焰如水中月如水上泡如鏡中像如夢如電如乾闥婆城乃至虹電等若於色相得如是見是則名爲真諦若於如是諸法受行不離苦行乃能證佛得一切智大王乃至徧六俱胝文字之義亦無二無分別一切如來皆如是說彼智金剛教汝已悉聞是等皆名真諦大王若於二諦不能如實觀察了知雖專修習

經無量劫唐捐其功終不能到大智彼岸而此二諦乃是一切如來之所歸命爲父爲母爲寂靜住及爲涅槃爲阿吠縛哩帝迦爲正徧知覺一切三摩地爲精妙普門三摩地乃有如是等種種功德大王彼一切金剛大乘學衆必須專心揀選如法弟子乃可爲說如

是二諦是二諦法難可得聞雖彼緣覺聲聞亦難得聞何況外道等尔時印捺羅部帝與金剛大乘學衆得聞是說悉以頭面禮謝菩薩時印捺羅部帝復白菩薩言揀選弟子當有何相菩薩告言有四種弟子有五補特伽羅王言四種弟子當云何說我今樂聞菩薩

高四

十五

告言第一佛乘第二初乘第三初學菩薩行第四諸菩薩摩訶薩行此名弟子四種之相云何分別如是之相菩薩告言彼得安然非謗非信於真言印相一一曉了證於佛乘於意云何譬如盲者得人引導由得佛乘證解脫故弟子初依師學得一俗諦初相應法入

三摩地未能了知顯密二教亦未知二諦十二因緣亦未知般若波羅蜜是名弟子初修習相王言云何菩薩五種補特伽羅菩薩言所謂難怛曩補特伽羅贊捺囉補特伽羅鉢訥摩補特伽羅奔擎哩迦補特伽羅烏怛鉢擺補特伽羅是等於聞信戒施悉能具行爲

烏波薩迦王言菩薩此之名相云何分別菩薩告言於一切法雖得聽聞而於少時皆悉忘失此名烏怛鉢擺補特伽羅若於秘密之法雖有所聞不能爲他分別演說譬如軍尼內藏明珠而不顯現此名奔擎哩迦補特伽羅或得信心大悲心聞法開解如竹無節受持通達此名鉢訥摩補特伽羅凡聞法義咸存我見譬如擊鼓空有其聲以有我見不能利他此名贊捺囉補特伽羅是四烏波薩迦而能一向專心求一切法信心受持住金剛乘復次心性猛利多聞持戒一切能捨了知真實凡所說法能隨根機是名嚩怛曩補特

伽羅此一烏波薩迦常能爲諸弟子說種種法時金剛阿闍梨如是選擇弟子若得清淨殊勝如法弟子乃可傳付秘密大乘一切勝義當令修習不斷聖種印捺囉部帝又復問言云何分別秘密大乘菩薩告言彼瑜伽顯密二教曼拏羅有二十種皆悉得名秘密大

乘我今略說灌頂曼拏羅次第授灌頂阿闍梨欲作灌頂法先自結淨選揀勝處安曼拏羅位後令弟子結淨已然阿闍梨加持五色線五色粉絳地結界作曼拏羅安布賢聖位復加持闕伽瓶安方位已然請召賢聖依位坐畢即獻香花闕佈等然可引弟子入曼拏

高四

十六

羅與授灌頂弟子得灌頂已即持種種香花珍寶奉獻阿闍梨弟子此後即是入金剛大乘處灌頂位當於自己身口意業深加省察若能了達是名五燈若不了達當名五暗復次分布火壇次第所有使用種種之物先備播帝哩窣噠等及所鋪座吉祥草及護

摩柴其柴當用青潤樹枝及五穀酥等或作護摩先燒祭火天然作護摩觀於火炎色相形像及聲香等若得吉祥是法成就若不吉祥是不成就其請召賢聖入曼拏羅及獻闕伽次第諸式大略相同凡所有法皆從金剛大乘秘密流出所有三瑜伽五鳥補捺伽多

或六俱胝文字義或說法成就義或決定義或說本行尼陀那方便因等如是所說或四種或五種或七種或十二種種種不定皆不離二諦

復次說四密所謂密教密義密語密句若於四密無差所作成就或遇九執七曜諸惡星宿及諸毒等持誦密句皆可大息或求敬愛或作增益或作降伏若爲人及四足多足無足等或降伏諸惡大部多夜叉乃至惡人等並可降伏若不降伏必當破壞親愛分離或有一切禁縛邪明一切破壞或有冤家興兵欲來侵害自然退散或爲大旱必能降雨如

高四

十七

是種種一切所求持念密句悉得成就隨心如意凡持誦密句作金剛語音無令斷絕必滿所願王言云何名爲菩薩禪定菩薩告言禪定有種種持誦亦種種若知秘密句即是知禪定秘密者爲所誦文句具足及知印相若如是者有大威力是則白法知秘密者即攝真實理猶如虛空體寂靜故解於世法能顯真理乃於印相觀想密句文義所作斷疑此持誦者乃名爲賢如是行人凡有見者皆如佛等彼人禪者不見密句不見印相不見賢聖想諸字輪體同鏡像王復問言云何菩薩三摩地菩薩言彼菩提心及智慧方便乃至三明及無等等此皆是菩薩三摩地又復觀自本身及真言印相賢聖形像一切莊嚴皆如虛空寂靜是菩薩三摩地菩薩入如是三摩地是名安住二諦

爾時金剛手菩薩摩訶薩爲印捺羅部帝及諸刹帝利一切入金剛大乘學衆說如是種

種法已即依法作曼拏羅與王等及諸學衆受於灌頂彼諸學衆得灌頂已異口同聲各各白菩薩言我等稟教奉事金剛阿闍梨一如聖旨是學衆等於金剛手菩薩摩訶薩供養恭敬種種言辭伸讚謝已

余時會中諸大菩薩及聲聞天人阿蘇羅誠

嚩拏彥達縛緊囊羅一切大衆聞菩薩說是經已歡喜信受作禮而退金剛手菩薩即於山中隱沒不現

最上大乘金剛大教寶王經卷下 高四
大乘金剛大教寶王經上卷

四捺上盧器反訥奴達反晃曜上胡廣闊伽於
后妃慕下芳微反嬪嬪嬪嚩嚩嚩二音
屣下所綺反寶玩下愚持竈胃上同俱革
蹠塔下徒皮覆也足下蹠也灰燼下徐骨

下卷

補覽下刀取反匿王上尼蹉尾上七踊銳音上
十八末

捺上吾音紅乳字上彥達箭反魚鞋履上告蟲蝋上直戶弓反虹霓下十
俱胝下珍反耕上必唐捐下音正作姐擗選上眼反贊古音
播帝上必窄嘴上蘇音酥蘇音贊蘇音